

ხელშეკრულება №03-01/71
სახელმწიფო შესყიდვის შესახებ

ქ. ბათუმი

20 ივნისი 2018 წელი

ერთის მხრივ სსიპ აჭარის ავტონომიური რესპუბლიკის საზოგადოებრივი ჯანდაცვის ცენტრი (შემდგომში „შემსყიდველი“), წარმოდგენილი მისი დირექტორის ნინო ნიჟარაძის სახით, ხოლო მეორეს მხრივ შპს „ინტეგრალ“ წარმოდგენილი მისი დირექტორის ტიგრან ვოსკანიანის სახით (შემდგომში „მიმწოდებელი“), ელექტრონული ტენდერის ჩატარების შედეგად (სატენდერო განცხადების ნომერი SPA SPA180005014, კლასიფიკატორის (CPV) კოდი 72400000) ვდებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. გამოყენებული ტერმინების განმარტებები

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „დღე“, „კვირა“, „თვე“ - კალენდარული დღე, კვირა თვე.
- 1.3 „შემსყიდველი“ - ორგანიზაცია, რომელიც ახორციელებს შესყიდვას.
- 1.4 „მიმწოდებელი“ - პირი, რომელიც ახორციელებს საქონლის მიწოდებას და მომსახურების გაწევას ხელშეკრულების ფარგლებში.
- 1.5 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. შესყიდვის ობიექტია: ვებ გვერდის შექმნა, (CPV) –72413000 „მსოფლიო ქსელის (WWW) გვერდების შექმნა“ რომლის ტექნიკური პირობა (ჩამონათვალი და მოცულობა) მოცემულია დანართი N1-ში, რომელიც წარმოადგენს ამ ხელშეკრულების განუყოფელ ნაწილს.
- 2.2 შესყიდვის ობიექტის ფასი მოცემულია ფასების ცხრილში (დანართი N2-ში), რომელიც წარმოადგენს ამ ხელშეკრულების განუყოფელ ნაწილს.

3. ხელშეკრულების ღირებულება და მომსახურების ვადები

- 3.1 შესასყიდი მომსახურების ღირებულება შეადგენს 3950 (სამიათასცხრასორმოცდაათი) ლარს.
- 3.2 ხელშეკრულების საერთო ღირებულება შეიცავს მიმწოდებლის ყველა ხარჯებს, დაკავშირებულს მომსახურების მიწოდებასთან და ასევე კანონით გათვალისწინებულ ყველა გადასახადს.
- 3.3 მომსახურების მიწოდების ვადაა ხელშეკრულების გაფორმებიდან 40 (ორმოცი) კალენდარული დღე.

4. მხარეთა ვალდებულებები

4.1 მიმწოდებელი ვალდებულია:



ბ. ნიკოლოზი

ა) გასწიოს მომსახურება სათანადო ხარისხითა და სრული მოცულობით, განუზრვლად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს მომსახურების ღირებულების გადახდა, წინამდებარე ხელშეკრულებაში მითითებულ ვადებში.

ბ) უზრუნველყოს ელშეკრულების შესრულების კონტროლი.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. შესყიდვის ობიექტის მიღება-ჩაბარების წესი.

5.1 შესყიდვის ობიექტის (მომსახურებების) მიღება-ჩაბარება განხორციელდება მხარეებს შორის სათანადო აქტის გაფორმებით.

5.2. შესყიდვის ობიექტის მიღება-ჩაბარებისათვის მიმწოდებელმა უნდა წარმოადგინოს:

საგადასახადო ანგარიშგაქტურა ან/და სასაქონლო ზედნადები მიწოდებული მომსახურებების დასახელების რაოდენობის, ერთეულის ფასის და საერთო ღირებულების მითითებით.

6. ანგარიშსწორების წესი

6.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი.

ბ) შესყიდული მომსახურების ღირებულების ანაზღაურება განხორციელდება ფასების ცხრილის შესაბამისად, უნაღდო ანგარიშსწორებით, მომსახურების გაწევის შემდეგ, შესაბამისი საანგარიშსწორებო დოკუმენტაციის (ანგარიშგაქტურა) გაფორმების საფუძველზე.

6.2 ანგარიშსწორების ვადა - მხარეთა შორის მიღება-ჩაბარების აქტის გაფორმებიდან და საგადასახადო ანგარიშ-გაქტურის წარმოდგენიდან 10 (ათი) კალენდარული დღის ვადაში.

7. ხელშეკრულებაში ცვლილებების შეტანა

7.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

7.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398 მუხლით გათვალისწინებული შემთხვევებისა.

7.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. უფლებების გადაცემა



133014

8.1 ხელშეკრულების არც ერთმა მხარემ მეორე მხარის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებარე მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. პირგასამტეხლო ხელშეკრულების პირობების შეუსრულებლობისათვის

10.1 ხელშეკრულების პირობების ვალდებულების შესრულების ვადის გადაცილების შემთხვევაში, მხარეს ეკისრება პირგასამტეხლო ყოველ ვადაგადაცილებილ დღეზე შესასრულებელი ვალდებულების შესაბამისი ღირებულების 0,02%-ის ოდენობით.

10.2 სახელშეკრულებო ვალდებულებების შეუსრულებლობისათვის შემსრულებელს ეკისრება პირგასამტეხლო ხელშეკრულების ჯამური ღირებულების 5%-ის ოდენობით.

10.2 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან.

11. ფორს-მაჟორი

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადასალახავ და მათი კონტროლისაგან დამოკიდებულ გარემოებებს, რომლებიც არ არიან დაკავშირებული „შემსყიდველისა“ და ან „მიმწოდებლის“ შეცდომებსა და დაუდევრობასთან.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ, მაგრამ არაუგვიანეს 5 (ხუთი) სამუშაო დღისა, უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.



მ. ბერიძე

12.2 თუ ასეთი მოლაპარაკების დაწყებიდან 10 (ათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

13. ხელშეკრულების შეწყვეტა

13.1 ხელშეკრულების ერთი მხარე უფლებამოსილია მთლიანად ან ნაწილობრივ შეწყვიტოს ხელშეკრულება, თუ ხელშეკრულების მეორე მხარე ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევაში. ხელშეკრულების ცალმხრივად შეწყვეტის შესახებ შეტყობინება იგზავნება წერილობითი ფორმით შეწყვეტამდე 30 (ოცდაათი) დღით ადრე.

13.2 ხელშეკრულება შეიძლება შეწყდეს მხარეთა შეთანხმების საფუძველზე.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელმოწერის დღიდან და მოქმედებს 2019 წლის 31 იანვრის ჩათვლით.

15. სხვა პირობები

15.1 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება მხარეებთან.

15.2 ხელშეკრულებასთან დაკავშირებული ნებისმიერი მიმოწერა უნდა იყოს ქართულ ენაზე.

15.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ იმ შემთხვევაში, თუ ის გაფორმებულია წერილობითი სახით და ხელმოწერილია მხარეთა მიერ.

მხარეთა რეკვიზიტები:

„შემსყიდველი“

სსიპ აჭარის ავტონომიური რესპუბლიკის
საზოგადოებრივი ჯანდაცვის ცენტრი
საიდ.კოდი: 245428577
მისამართი ქ. ბათუმი
ვ.გორგასალის ქ. №141-143
ს/ს „სახელმწიფო ხაზინა“
კოდი TRESGE22

ანგარიშის № 740243459

ცენტრის დირექტორი

ნინო ნიჟარაძე



„მიმწოდებელი“

შპს „ინტეგრალ“
ს/კ: 406170049
მისამართი ქ.თბილისი
ბ.ხმელნიცკის ქ. N 7 ბ. 53
სს "ბანკი ქართუ"
ბანკის კოდი: CRTU22
ა/ა GE26CR0000002007843602

დირექტორი

ტიგრან ვოსკანიანი

Handwritten signature of Tigran Voskaniani

ინვოისი

ტექნიკური პირობები

- საიტი უნდა იყოს ორენოვანი: ქართული და ინგლისური;
- საიტი უნდა იყოს მდგრადი კიბერ-შეტევების მიმართ. (მაგალითად: Sql Injection, Cross site Scripting, Cross site Request Forgery, Session Hijacking, HTTP Response Splitting, Remote/Local File Inclusion, Directory Transversal, Insecure Direct Object References, Security Misconfiguration, Unvalidated Redirects and Forwards, Blind SQL Injection და სხვ.);
- საიტის მართვა უნდა ხორციელდებოდეს მართვის პანელის (CMS-ის) საშუალებით;
- ვებ-საიტის მართვის პანელი (CMS) შექმნილი უნდა იყოს ორიგინალური პროგრამული კოდით და დამზადებისას არ უნდა გამოიყენებოდეს სტანდარტული სისტემები (Joomla, Wordpress, Tango, Drupal და ა.შ.);
- ვებ-საიტი უნდა შეიქმნას PHP/MySQL პლატფორმაზე და იყენებდეს უახლეს ტექნოლოგიებს (HTML, CSS, JavaScript, JQuery, Ajax);
- ვებ-საიტი სრულფასოვნად უნდა ფუნქციონირებდეს მინიმუმ შემდეგ ვებ-ბრაუზერებში: Firefox ვერსია 6.0 და მაღლა, Internet Explorer ვერსია 12.0 და მაღლა, Chrome ვერსია 22.0 და მაღლა, Safari 5.0 და მაღლა. უნდა აკმაყოფილებდეს W3C სტანდარტებს (HTML5) და შესაბამის ვალიდატორზე (<http://validator.w3.org>) შემოწმებას გადიოდეს არაუმეტეს 30 შეცდომით; ბრაუზერებზე, რომელზეც მხარდაჭერა არ ვრცელდება, გამოჩნდება შეტყობინება ვიზიტორისთვის, რომელიც მოუწოდებს მას ბრაუზერის განახლებისკენ;
- გამოყენებული რესურსები უნდა იყოს ოპტიმიზებული - სურათებს უნდა ჰქონდეს მინიმალური აუცილებელი ზომა პიქსელებში, JPEG ფაილები უნდა იყოს ოპტიმიზებული;
- საიტი უნდა იყოს აუცილებლად მორგებული როგორც მობილურებზე ასევე პლანშეტებზე და კომპიუტერებზე;
- სისტემა წარმოდგენილი უნდა იყოს კომპიუტერის მთელ ეკრანზე, ეკრანის ზომის მიუხედავად, მათ შორის სმარტფონებისა და პლანშეტებისთვის;
- დიზაინი, თანამედროვე UX/UI სტანდარტების დაკმაყოფილებით;
- შრიფტის გაზრდის და დაპატარავების მოდული - A+, A-. მომხმარებელს უნდა შეეძლოს შრიფტის რამდენიმე ზომით გაზრდა ან დაპატარავება;
- Print ოპტიმიზაცია-ბრაუზერის Print ფუნქციის გამოყენებისას უნდა დაიბეჭდოს მხოლოდ კონტენტი, საიტის ვიზუალური ელემენტების გარეშე;
- ვებ-გვერდი დამზადებული უნდა იყოს ქეშირების მეთოდის გამოყენებით;
- სოციალური მედიის ინტეგრაცია;

13.01.14

- ბანერების ჩასმის შესაძლებლობა (სამართავი პანელით);
- SEO ოპტიმიზაცია საძიებო სისტემებთან Google, Yahoo, Bing, Yandex...;
- Friendly URL;
- Google Sitemap ის გაწერა საიტზე;
- ოპტიმიზაციის ყველა მოთხოვნის დაკმაყოფილება;
- Google Analytics-ის ჩაშენება საიტზე;
- საიტი უნდა იყოს მაქსიმალურად ოპტიმიზირებული, მოქნილი ნავიგაციით და ადვილად ჩატვირთვადი;
- საიტის ყველა გვერდს უნდა გააჩნდეს Print, Share, To Top ფუნქცია;
- ვებ-გვერდს უნდა გააჩნდეს ძებნის ფუნქცია;
- საიტს უნდა გააჩნდეს ახალი ამბების და ღონისძიებების ელ-ფოსტაზე გამოწერის ფუნქცია ე.წ. Subscription;
- Google Maps რუკა;
- ლაივ ჩატი ერთი ოპერატორით;

სამართავი პანელის ფუნქციური შესაძლებლობები

ვებ-გვერდის ერთ-ერთი მთავარი ნაწილი (როგორც ფუნქციონალურად, ისე შინაარსობრივად) არის კონტენტთან სამუშაო ინსტრუმენტები. იმისთვის, რომ ვებ-საიტმა ეფექტიანად განახორციელოს მისი ამოცანა - იყოს თანამედროვე კონტენტის მიმწოდებელი, საჭიროა შესაბამისი ინსტრუმენტების არსებობა;

სამართავ პანელში გათვალისწინებული უნდა იყოს ძირითადი სამუშაო ელემენტები, ვიჯეტები:

- გალერეა (სლაიდერი, Grid);
- ციტატა/Highlight;
- სურათი (სასურველი ზომით ჩასმა და ორიგინალი ზომით შენახვა);
- ვიდეო (როგორც საკუთარი, ისე Embed);
- YouTube Insert URL – YouTube-დან ვიდეოს ჩასმისთვის საკმარისი უნდა იყოს სრული ბმულის ჩასმა;

1330/14

• საკონტაქტო ინფორმაცია - ზოგიერთ გვერდს შეიძლება დასჭირდეს საკონტაქტო ინფორმაციის მითითება, რომლის ინდივიდუალურად შევსება საჭირო არ უნდა იყოს;

• ნავიგაციის პანელი;

• ობიექტების დამატების/რედაქტირების შესაძლებლობა;

• ობიექტების დალაგების/ადგილების ცვლილების შესაძლებლობა;

• ჩაშლადი მენიუების შექმნის/რედაქტირების შესაძლებლობა;

• ვებ გვერდის კონტენტი სრულიად წაკითხვადი/აღქმადი უნდა იყოს, როგორც პერსონალური კომპიუტერის ეკრანებიდან ასევე ტაბლეტებიდან, მობილური ტელეფონებიდან;

• მთავარ გვერდზე სიახლეების ბლოკების ზომების განსაზღვრის შესაძლებლობა (პოსტის რა ნაწილი გამოჩნდება პირველ გვერდზე და რა ნაწილი „Read More“-ში);

• მთავარ გვერდზე გამოტანილ სიახლეებზე მცირე ზომის სურათების (thumbnail) მიზმის შესაძლებლობა;

• Image Slider-ის გააქტიურების შესაძლებლობა მთავარ გვერდზე Slider-ში სურათების ცვლილების შესაძლებლობა;

• საიტის კონტენტის კატეგორიებად დაყოფის შესაძლებლობა;

• კატეგორიების ქვეკატეგორიების შექმნის შესაძლებლობა;

• საიტზე დამატებითი გვერდების შექმნის შესაძლებლობა;

• კონტენტში Embedded კოდის ჩასმის შესაძლებლობა;

• გამარტივებული ფაილების ატვირთვის და მართვის სისტემა ლინკების გაზიარების შესაძლებლობით;

• საიტის კონტენტის სხვადასხვა სოციალურ ქსელებში გაზიარების ღილაკები;

• ადმინისტრირების პანელს უნდა გააჩნდეს რამდენიმე მომხმარებლის მუშაობის შესაძლებლობა;

• საიტის კონტენტში ტექსტის გაზრდა/დაპატარავების ფუნქცია;

• სიახლის დამატების თარიღის გამოჩენა/დამალვის ფუნქცია;

შენიშვნა: მოცემულ დოკუმენტში წარმოდგენილი იდეები და აღწერილი ტექნიკური თუ ვიზუალური მხარე ექვემდებარება განხილვას გაუმჯობესების კუთხით;

ბ.კოსტა

მუშაობის პროცესში გათვალისწინებული უნდა იყოს დამკვეთის ყველა შენიშვნა (ასეთის არსებობის შემთხვევაში).

სრული ვებ-საიტის შემუშავების საერთო ვადა - ხელშეკრულების გაფორმებიდან 40 (ორმოცი) კალენდარულ დღეში.

შენიშვნა: დიზაინის შექმნისას არ უნდა იყოს გამოყენებული მზა, შაბლონური ვერსიები (Template). ასევე დიზაინი არ უნდა დამზადდეს შაბლონური ვერსიების ანალოგების მიხედვით.

მიმწოდებელი ვალდებულია განახორციელოს ვებ-გვერდის უფასო ტექნიკური მხარდაჭერა და კონსულტაცია მისი შემსყიდველისთვის წარდგენიდან არანაკლებ 1 წლის განმავლობაში, რაც გულისხმობს ვებ-გვერდზე აღმოჩენილი ნებისმიერი სახის ხარვეზის დროულ აღმოფხვრას და გარკვეულ საკითხებში სატელეფონო ან ელექტრონული ფოსტის მეშვეობით კონსულტაციის გაწევას.

შეადგინოს და გადასცეს შემსყიდველს დეტალური დოკუმენტაცია ვებ-გვერდის მართვის სისტემის ფუნქციონარის და შესაძლებლობების შესახებ.

მიმწოდებელმა, აუცილებელია მკაცრად დაიცვას კონფიდენციალობა. იგი ვალდებულია, საიდუმლოდ შეინახოს და არ გაავრცელოს მისთვის შემსყიდველთან ურთიერთობის პერიოდში მიღებული ინფორმაცია პირდაპირი თუ არაპირდაპირი წესით და უფლება არ აქვს გაანდოს მესამე პირს, ნებისმიერი სახით გამოიყენოს საკუთარი ინტერესების სასიკეთოდ ან გაზადოს საჯარო.

ბ.კოსი

დანართი N2

ფასების ცხრილი

პრეტენდენტის დასახელება

შპს ისტეგია

№	მომსახურების დასახელება	მომსახურების ჩამონათვალი	რაოდენობა ცალი	საერთო ღირებულება
1	ვებ გვერდის შექმნა	- ვებ დიზაინი - სამართავი პანელი (CMS) - სამართავი პანელის მართვის ცხენი - ტექნიკური მხარდაჭერა (1 წელი)	1	3950

პრეტენდენტის ხელმოწერა

ბ. ა. ბ. ა.

ბ.ა.

თარიღი 08.06.2018

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სტემაში ატვირთული ყველა დოკუმენტი უნდა იყოს ხელმოწერილი და ბეჭედ დასმული.